

كتاب

حياة افضل في طاعة الله

بقلمي / رودي حجازي

قبل البدء لا تنسى الصلاة علي سيدنا محمد صلي الله عليه  
وسلم

هذا الكتاب يحتوي علي نصايح ستفيدك كثيرا باذن الله  
فهذا الكتاب هو صحبتكي الصالحه باذن الله  
اتمني ان ينال هذا الكتاب اعجاب  
انا اعلم انك تايهه تبحثين عن صحبه صالحه ولا تجدي لذلك  
قمت بصناعه هذا الكتاب ليكي

الفصل الاول / لما لا نشعر بالسعاده ؟

كثير اوووي مننا بسأل نفسه هو انا ليه مش حاسه اني  
فرحانه ليه دايمًا مكتئبه ومش كل اللي بتمناه هو الموت

الاجابه

لاننا مش قريبين من ربنا وكمان قطعنا الصله بينا وبين ربنا  
وهي الصلاه

الصلاه مش بس اول حاجه هنتسأل عليها لا ولاالصلاه عماد  
الدين

الصلاه هي صله بين العبد وربه هي الراحة والسكنيه

الصلاه ده حاجه كده فوق الوصف الصلاه حاجه مينفعش  
نسبها لان لو سبنا هنضيع الصلاه هي اللي بتجيب البركه  
والسعاده والراحه الجسديه والنفسيه

احنا لما التلفون بيرن ويكون من اللي بنحبهم بنعمل اي  
بنجري نرد علطول ونتكلم بساعات نبقى زعلانين لما يفقل

تخلي بقي انتي ربنا بينادي عليكى خمس مرات علشان  
تروحيه وتدعيه ويحقلك كل اللي نفسك فيه

اوعدني انك هتبيدي تصلي علشان نكون صحبه صالحه في  
الجنه باذن الله

طيب انا قولت اهميه الصلاه في حياتنا ياريت يا بنات  
مستهنش بموضوع الصلاه باذن الله في اخر الكتاب هسيب  
لكم مفاجاه .

## الفصل الثاني / كم صلاة بنصلي؟

الصلاة مقسومه الي نصفين

فرض وهم خمس صلوات

سنه هم صلاة القيام والضحي والتسابيح والعيد و سنن بعد

كل صلاة والحاجه والجنازه

- طيب في ناس مش بتعرف يعني اي قيام ليل

:انتي اكيد بتهزري

- لا بتكلم بجد علشان كده هتكلم عنه

قيام الليل معاد الصلاة بتاعته من اي وقت من بعض صلاة

العشاء الي ما قبل الفجر افضل وقت ليه هو الثلث الاخير من

الليل

قيام الليل عباره عن ١١ ركعه

بنصلي ركعتين مثني مثني لغايه لما نكمل ٨ ركعات اخر

ثلاث ركعات هما الشفع والوتر

طيب ليه بنصلي قيام الليل؟

بصي يا قمري بليل ربنا بينادي عليا بيقول هل من مستغفر

فاغفر له هل من داعي فاستجيب له هل من تاب فاتوب عنه

تعرفي يا قمري ان الرسول صلي الله عليه وسلم كان بيصلي

قيام الليل حتي تورم قدومه

طيب تعرفي ان اللي بيصلي القيام ربنا بيقي بيحبه من اهل  
طيب تعرفي اللي بيطلب حاجه في قيام الليل ربنا بيستجاب  
الدعوه

تعرفي انا اعرف بنات كتير كان نفسها تلبس الخمار والنقاب  
والزي الرعي وطلبوا علي القيام وربنا استجاب ليهم وناس  
كتير ليهم قصص جميله مع قيام الليل

طيب كده عرفنا اهميه القيام واهميه الصلاة

\*بنات انا ليه عملت الكتاب ده لان انا كنت عوزه اوصل  
رساله الي البنات اللي مفكرين ان الدين عسر لا ده يسر  
ومفيش اجمل منه وكمان لان الكتاب ده هبيقي صحبتك  
الصالحه اللي مش موجوده علي ارض الواقع \*



● تعلم العلم الشرعي السيره النبويه ده من الامور المهمه  
اللي هتساعدك تعرفي دينك اكثر وتعرفي الصبح من  
الغلط

● ورد اليومي والاذكار طيب ليه مهمين  
اولا من قرا حرف من القران بياخد ثواب كبير اووي  
تخلي بقي ده حرف مابالك نص صفحه اوه صفحه  
ثانيا الاذكار ده بتبعد عن كل شر وسوء من انس وجن

● الالتزام بزى الشرعي

● اخيرا سوره الكهف يوم الجمعة لان نور ما بين  
الجمعتين

● الصدقه : مهمه جداااااا لان لو اخرجنها بنيه القرب من  
الله هناخد اجر كبير اووي ده غير انها سبب بيعد  
الاذي

كده عرفنا الخطوات اللي بنعملها علي نقرب من ربنا

نجي بقي للجزء الثاني من الكتاب

بنات كل واحده توعدي تبعد عن كل حاجه تغضب ربنا

\* خيرها ما قل ودام \*

طبعا الجزء الثاني مختلف تمام عن الجزء الاول

قبل ما نبدء لا تنسوا الصلاه علي الحبيب المصطفى  
صلي الله عليه وسلم





بنات للمره المليون بلاش الموضوع ده لانك انتي اللي  
هتوجعي في الاخر اتفقنا علشان خاطر نفسكم

عارفين ليا اخ ولد دايمًا يقولي عمر الولد ما هيتزوج واحده  
كان ماشي معاها لانه عارف زي ما كلمته هتكلم مليون  
غيره كنت بساله طيب ليه بيعشمها قالي لانهم بيتسلوا حبه  
لما يزهاقوا يسبوها

الموضوع بقي خطير غير كده حرام

البنات اللي عوزه تفضفض مش لاقية حد روي لربنا لانه  
احن منك من الكل

في جروب اسمه مختمرات ده مليون بنات صحبه صالحه  
جروب اسمه هنلبس واسع برضو مليون صحبه صالحه  
ده اللي بنات اللي عوزه صحبه صالحه

الفصل الثاني /الزي الشرعي

مواصفات الزي الشرعي

لا يشف ولا يصف

يكون واسع فضفاض

الا يتشبه بالرجال

الا يكون زينه

الا يكون معطرا لان لو واحد شم ريحه البرفان بتاعك هتبقى زانيه

طيب عارفين المواصفات والشروط

نجي بقي للبناطيل اللي عليها اختلاف في ناس تقول الواسع

مش حرام وناس تقول حرام

انا مش هقول ولا حرام ولا حلال انا هتكلم بالعقل والمنطق

انتي لما تيجي بتصلي بتصلي باي اللي ينفع تصلي بيه ينفع

تخرجي بيه

طيب بلاش ده هما الرجاله هما خارجين لبسين اي بناطيل

بيقي تشبه بالرجال

طيب متز عيش يا سكره

طيب عمرك شوفتي اميره لابس بنطلون لا صح

لان البنات الاميرات هما اللي يلبسهم صح

بحبكم في الله

نيجي بقي لفكره البنوته المختمره العسل بصي يا قمري مش  
معني انك لبستي الخمار بيقي كده انتي نفذتي اللي مذكور في  
القران

بصي يا قمري الخمار اللي مذكور في القران هو ان الواحده  
تغطي الراس ومنطقه الصدر تمام يعني ينزل من علي  
الاكتاف مش مرفوع من علي الاكتاف وذلك في قوله  
تعالى: وليضربن بخمرهن علي جيوبهم"

مش القصد الخمار الماليزي او الفرنسي او الكوري  
طيب نجي بقي للمنتقبه السكره

شروط النقاب ان يعطي الوجه ما عدا العينين  
وكمان مينفعش نلبسه بدون شريطه او من غير طرحه  
او مينفعش طرحه قصيره علي النقاب

طيب في بعض البنات بنلاقي الجبيبه واسعه بس البلوزه  
محدد الوسط وضيقه مينفعش نلبس علي البلوزه الضيقه  
الخمار او النقاب لانها بتحدد شكل الجسم ده مش الغرض من  
الزى الشرعي

طيب في ناس هتقولي انا عوزه اللبس الزي الشرعي بس  
مفيش امكانيه

تعالى اقولك علي قصتي مع الزي الشرعي

انا يوم ما نويت البس الزي الشرعي مكنتش عندي اي هدوم  
خصيصا ان لبسي كان كله عباره عن بناطيل ضيقه بس كان  
عندي بنطلون واحد بس واسع فضلت لبسته لغايه لما جه  
فرح خالتو واشتريت دريس وخالتو كان عندها جبيبه جديده  
ادتهالي فضلت البس في الجبيبه والدريس اكثر من سنه لغايه  
لما جه العيد واشتريت كمان دريس وكل مره كانت تجيلي  
مناسبه اشترى دريسات لغايه لما الحمد لله بقي عندي جيب  
ودريسات كثير .

طيب في ناس هتقولي اهلي مش موافقين اعمل اي

بصي كل اللي هتعمليه زن زن كثير لغايه لما يز هقوا بعد  
كده ادعي ادعي كثير اووي ان اشاء الله ربنا يستجاب او  
حطهم قدام امر واقع

او عي تيا سي اباااا اباااا

اعرفي ان الناس مش هتسيبك في حالك لما تلبسي الزي  
الشرعي بس اعرفي ده هيكون اختبار من ربنا ليكي

طيب السؤال الاخير / هو ربنا بيغفر الذنوب اللي عملناها  
ربنا مفيش ارحم واحن منه بيغفر الذنوب بالتوبه النصوحه  
والرجوع اليه  
انتي لو عملتي ذنوب كثير صدقني لو رجعتي لربنا ربنا  
بيغفرلك

طيب افرضي توبت ورجعت عملت الذنب تاني  
توبي تاني وتالت ورابع ربنا بيحب التوابين المتطهرين وذلك  
في قول رسول الله صلي الله عليه وسلم  
قال رسول الله "لله اشد فرحا بتوبه عبده من احدكم سقط علي  
بعيره وقد اضله في أرض فلاة " متفق عليه .

كده عرفنا ازاي اهميه الصلاه والتوبه وازاي نقرب من ربنا واتكلمت عن  
الحجاب صح

تعالوا بقي نكمل الرحله نصح بعض المعلومات  
في ناس تقولك الاغاني مش حرام وناس تقولك حرام  
اولا الاغاني مش حرام بس الموسيقى اللي فيها حرام  
كمان في بعض الاغاني مينفعش نسمعها اكريتها  
المهرجانات لان نص كلامها مش حلو  
علفكره في بدايل الاغاني هي الاغاني بدون موسيقي ده بقيت  
منتشره علي مواقع كتير واليوتيوب  
طيب صححنا بعض المعلومات عن الاغاني

"الجنه تستاهل انك تضحي علشانها "

الموضوع الثاني بقي المحارم

ابن عمك و ابن خالتك و ابن عمتك و ابن خالك مش اخواتك

جوز خالتك او جوز عمتك مش من المحارم

ابن عم ابوكي و ابن خاله مش عمامك

ابن عم امك و ابن خالها مش خوالك

اخو زوجك مش من المحارم و جوز اختك برضو من

المحارم

طيب مين المحارم

اخوكي و ابوكي و اخوكي في الرضاعه و ابن اختك او اخوكي

وجدك و عمامك و خوالك غير دول من المحارم

طيب خطيبك مش محرم ليكي

طيب ليه علشان ممكن لقدر الله الخطوبه متكلمش فعلشان كده

مش من المحارم

في بنات متعرفش ضوابط الخطوبه

هقولها ممنوع اللمس مينفعش الكلام الخارجي زي

بحبك ..... الخ اخره يطمن عليك وبس و مينفعش

الكلام للفجر و مينفعش تعقدوا لو حدكم و منيعفش تخرجوا

بدون محرم وبس كده

بصي يا قمرى بعد كتب الكتاب اعلمى اللى انتى عوزه لكن  
قبل كده لا

كده يعتبر ما سبتش حاجه الا واتكلمت فيها

بحبكم اوووووووي يا حوريات الجنه

حبه نصايح مني ليكم

بلاش كلام في التلفون وانتي ماشيه في الشارع  
لما حاجه تقع منك انزلي علي ركبتك حطي ايدك علي  
صدرك

لما يكون شباب طالعين وراكي السلم افقي علي جنب لغايه  
لما يطلعوا وبعدين اطلعي

اوعي تمشي وشاب وراكي خليك انتي وراءه  
اتعودي تغضي بصرك دايمًا

ليه بقي اولا لانه فرض تانيا ربنا امرنا بغض البصر علشان  
ممکن تعجبي بشاب فعلشان كده غضي بصرك احسن

اتعودي تصلي الفجر في معاده " ركعتين الفجر خير من  
الدينا ما فيها " ده غير انها فيها راحه وبركه في يومك غير  
طبيعيه

اتعودي علي قراءه ايه الكرسي بعد كل صلاه لان من قرأ  
ايه الكرسي بعد كل صلاه مات بعد ذلك دخل الجنه

بلاش ضحك بصوت عالي في الشارع

"كنوز"

من قرا سوره الاخلاص ١٠ مرات بني له قصر في الجنه  
من قال سبحان الله وبحمده سبحان الله العظيم زرع ليه نخله  
في الجنه

هناك شجره للمستغفرين فقط

من صلي جميع السنن بعد كل صلاه هيكون له بيت في الجنه  
من قرا سوره البقره بيقى في حياته بركه غير طبيعيه  
وسعاده

من قرا سوره الملك قبل النوم اعتق من النار

من حفظ سوره البقره وال عمران هتكونا غماتين له يوم  
القيامه غماتين يعني ظل له

من حفظ اول و اخر عشر ايات من سوره الكهف حفظ من  
فتنه الميسح الدجال

صيام يوم عاشوراء يغفر جميع الذنوب

كده يكون الكتاب خلص يارب يعجبكم

اللي عوزه تعلم علم شرعي في اكاديميه زاد

في قنوات كثير علي اللي التليجرام بتعلم علم شرعي

اللي عوزه تعرف سيره النبويه في سلسله اسمها اعرف

نبيك لمحمد الغليظ

اللي عوزه تعرف الصحايبات كتاب كوني صحابيه  
وسلسه كوني مثلهن لدكتور هاله سمير  
عوزه تعرفي عن الزي الشرعي اكثر كتاب البسي واسع  
لابتسام القاضي  
عوزه تعرفي ربنا اكثر كتاب لانك الله  
عوزه تعرفي عن الصلاه اكثر فاتني صلاه  
تعرفي عن القران اكثر كتاب اسرار القران وكتاب التفسير

المفاجأه الي انا عاملها اني هسيب لينك الصراحه بتاعي  
واللي عوزه حاجه تبعتلي عليه وان شاء الله نكون صحبه  
صالحه

<https://27237638703006.sarhne.com>

+ هنزل كتاب قريب بأذن الله مش هقول بتكلم عن بس فعلا  
كل بنت محتاجه

\* معلومه صغيره علشان في بنات هتاخذ فكره اني كبيره انا عندي ١٧  
سنه فقط تمام\*

ده اول كتاب ليا